

重修華亭縣志

地 210.25  
39  
:1~ ,0

建置	卷二	疆域	卷一	圖說	卷首	凡例	序
						目錄	銜名

重情慈念  
恩德同濟

光緒四年九月開  
鑄五年十二月工竣

重脩華亭縣志叙  
志者鄉邑之史也脩志者北  
据撫舊文鋪張故實之謂蓋  
以紀民俗之升降板破治之  
損益俾後來者有所本取意  
纂重也學亭志成於乾隆時  
舊板燬於兵書亦僅有存者



邑令楊君開第奉  
中丞吳公重脩之命  
諸家紀載補苴拾視舊志  
義例閒有釐定其最切於  
者水利則有區塘取道尤  
備採擇也咸同時續脩案  
全案及咸同時續脩案詳著

於篇誠以事因時亦制宜汰  
積久亦必做滄桑田倏忽  
變易前所謂利者閱數時亦  
又不然非已事了於心又  
洞觀當合形勢安得所謂至  
善者不用之者鏡沿革固一  
隅得共之林也田賦乃舊志

華亭縣志

沈序

二

首紀蠲賦不取定以同治年  
列聖蠲賦不取定以同治年  
間奉減浮糧出案則壤戕賦  
旨永減浮糧出案則壤戕賦  
搜藉可稽亦使耕亦食鑿亦  
歛者子孫無忘良有司  
朝廷休息之德然則良有司

霽今日尙得以其暇徵文壽  
 獻勒爲成書敢忘所自哉敢  
 忘所自哉  
 光緒戊寅夏五督江使者集  
 官沈葆楨謹敘



叙

華亭為禹貢揚州之域在周為吳地自漢已未沿革不常至唐天寶十年吳郡太守趙居貞請割崑山南境嘉興東境海鹽北境置華亭縣華亭為縣自此始而縣境當今松江府全境元時

華亭縣志

吳序

一

升縣為府後仍立縣屬松江府又割縣東北境置上海縣明嘉靖間割縣西北境置青浦縣尋廢萬厯間復析置青浦縣

國朝屬府如明順治十三年析置婁縣雍正二年後析置奉賢舊志成於乾隆五十六年板

燬於火書亦僅有存者明顧文僊  
公有府志乾隆前郭廷弼魯趙  
均脩府志並邑人王廷和有縣志  
乾隆後之事蹟則有宋如林府  
志成於嘉慶二十二年較舊志  
為詳而前志之訛者亦稍為  
正焉迄今垂六十年其間鹽法

兵防迭有興廢賦役水道迭有變遷  
加以中經兵燹官牘不存幾於文獻  
無徵矣茲牧令楊開第董率紳  
士搜輯前志益以舊家記載故老  
傳聞成書二十四卷乞言於余。維  
志乘之毅所以傳信將來疑者闕  
之亦諸君子補苴漏之苦心也

是為序

光緒四年歲次戊寅春二月撫  
吳使者吳元炳謹序

序

華亭為松江首邑風俗樸厚人材輩  
出土地沃衍物產饒富志乘之作由  
未久矣舊志脩於乾隆五十六年迄今  
幾及百載中更兵燹故家紀載零落殆  
盡歷時愈久散佚愈多缺焉不脩何以  
示後歲乙亥中丞固始吳公有續修江

華亭縣志

勒序

一

南通志之舉檄下郡縣各事採輯將彙  
為一書以成信史於時令華亭曰楊君  
開第乃屬耆老延名碩始事於丙子九  
月城丁丑八月而告成都凡二十有四卷體  
例較前志為簡要而事蹟加詳焉如志  
海塘則依道光十八年案牘為準而咸  
同間脩築二具書所以備捍禦也志田賦

則依同治四年賦役全書為斷而恭紀減  
數於首所以重蠲減也志人物則依史家  
列傳體按時編次不區門目他若舊志沿  
革別為一帙矣而茲第列於疆域之首舊  
志兵燹祥異各為一編矣而茲則併入雜  
志此其體例之精嚴較前志為簡要若也  
方錡恭膺

華亭縣志

勒序

二

簡命承乏藩垣深媿無以率屬而敷政所  
望良有司各子其民無失厥職庶幾臻  
雍熙之上治貽樂利於無窮方錡 亦與  
有光焉故於是書之成也遂不辭而為  
之序

光緒四年歲在戊寅秋七月江蘇承宣  
使者勒方錡謹序

序

作史何以難，其筆削當而也矣。班固稱遷史文直事覈，推為實錄。顧猶以謂是非頗繆於聖人，而後之讀班書者又不能無譏焉。況乎下乎郡邑之志，其於史也具體而微，詳略損益予奪之際，雖慎之又慎，而前人之紀載往往未後人之訾謗。故君子於此，毋彘以糝，毋陋以

華亭縣志

劉序

一

畧。毋膠故轍，毋參臆私實。事求是以蘄合於筆削之旨，而後人之訾謗與否仍一以聽之。蓋作史難，作志亦難。是吾不易也。華亭縣志創於明孫文簡，備於國朝乾隆季年王文園掌科。然惟王志為得華亭真面目，蓋如郡屬邑皆故華亭地。文簡時猶止析出上海文園時始析定七縣，既析為七，則志華亭不復涉

他邑事此定法也王志於山川人物與一切紀載果畫綦嚴舉嘗舊隸華亭者概不闌入以自別於郡乘可謂無孱糝之病而不膠故轍者矣顧嘗時即或譏其略豈所謂筆之者不妄濫而削之者亦不妄苛耶然自文園迄今將百載中更兵火未有能續纂之者會大中丞吳公將脩江南通志先檄修名郡邑志華

亭令楊君開第乃與邑士大夫披討遺聞援摭故籍勢為十五門成書二十四卷具略問序於余大較以王志未免踈漏復據顧郭魯三府志及邑人王廷和縣志殘稿以補輯之乾隆後事僅有宗府志今已散亡更編采故家著錄攷而存之其所更易王志者列沿革於疆域而去其表以時代次人物不强分品類

多列女流寓方外仍名自為傳并兵燹  
祥異入雜志而不立專門水利海塘田  
賦王志雖較詳他事而今制多變遷故  
水利廣眾說所未備而繫以按語海塘  
志載近年成案而著其因革田賦准同  
治四年賦役全書定額而詳紀蠲減曠  
典凡宏綱細目靡不視王志為加密覃  
精殫思歲暮而後竣事嗚呼可謂勤矣

昔歐陽修宋初撰新唐書好為簡約劉  
元城深譏之謂鬱而不明不得以事增  
文省為工而劉昫舊書其事雖贍而文  
則甚褻貶義例尤多乖迕識者病焉甚  
矣詳略損益予奪之際苟非深於春秋  
之義固未可意為筆削也今楊君之於  
王志刪并增訂無異歐宋之於劉書然  
劉書本詳而歐宋損之王志本畧而君

特益之殆將兼有二書之美而益無其  
疵歟夫後之視今猶今之視昔余不敢  
以王志嚴於畧畫謂今之讀者必毋病  
其陋以畧也亦不敢以君志踵事而增  
謂後之讀者必毋病其靡以糝也然君  
諗余曰凡所與士大夫補苴罅漏惟實  
事求是以成此書則其所筆之削之者  
必非以臆參也可知後人縱欲訾謗之  
可豈怪志哉

又烏從而訾嗽之雖以方信史烏將毋  
光緒四年戊寅正月布政使銜署理蘇  
松太兵備道海關監督貴池劉瑞芬序

叙

有治民之職者必有愛民之心有愛民之心斯有愛民之政政何在教與養盡之矣華亭為松郡首邑治府東南偏溯自唐宋以迄

本朝官斯土者流風善政代不乏人或懸榜而赤心示民或執法而蒼頭欽迄或盟心淡簡書於屏牆或雅意咨周登諸劄記

華亭縣志

博序

一

某也植人才學校崇矣某也籌積儲倉廩建矣某也輯閭閻某也闢田疇保衛嚴矣農桑勸矣其他一舉一廢載在舊志要皆盡心於教養之所為顧猶是學校而人才何以有盛衰矜是倉廩而積儲何以有盈絀保衛農桑猶是人而何以閭閻之居震昔安而今擾田疇之耕作彼勤而此惰豈治術之不同歟亦視乎奉行者之心之實

與不實以呈其效耳往歲中丞吳公檄  
廳縣舉修志乘時楊君開第任華亭蒐遺  
掇要延士紳合舊志輯之凡二十四卷而  
事之係乎民生國計者書之特詳後之覽  
者庶幾執是編以準酌乎古今時事之變  
審度乎風土人物之宜講求乎得失利病  
之源調攝乎風化人心之漸於以躋生民  
於仁壽上佐

聖天子風同道一之休是則志之所以為  
重而修之不容再緩也若視為空文陳迹  
存紀載備掌故而已夫豈中丞命修之  
意而亦何以無忝於教養斯民之職哉志  
成楊君以叙請博潤承乏郡守不敢以固  
陋辭爰識數語竊願與宰是邑者共勉焉  
光緒四年戊寅冬十月知松江府事博潤  
拜手謹叙

序

華亭為松郡附郭首邑其東南接奉賢  
東北上海西南金山西北婁犬牙相錯  
風俗大同惟南至海離城較遠民情曠  
悍多鹽梟外來匪徒亦或襍處海塘東  
接奉賢西連金山尤恃為兔窟作姦犯  
科屢出於此號稱難治至於兩界之交  
公舉則相觀望命盜則相規避開濬之

華亭縣志

楊序

一

役則巧說以營脫而詞訟遂多凡地之  
相錯者類如此夫元明以前華邑遼闊  
兼全松之地今析而為七設官分治宜  
其釐然各當而猶汲汲圖治之不遑何  
哉豈風俗媮薄不能復古歟抑任職之  
非其人歟聞第承乏是邦蓋五年於此  
嘗悉心推究利弊之所在力圖補救而  
德薄才黯未見起色每與士紳相接興